

# MONITA ALIQVOT ET STATVTA,

QVÆ

Ex Constitutionibus Ecclesiasticis atque Ordinationibus Academicis selecta  
PROCANCELLARIUS istius Universitatis CANTABRIGIÆ (famæ ac dignitati ejusdem prospiciens) ad communem omnium  
utilitatem, atque ad decorem & ordinem publicè conservandum, proponit, à singulis Graduatis & Scholaribus (pro suo  
cujusque loco atque officio) diligenter observanda, in virtute juramenti, & sub pœna quæ incumbit transgressoribus.

DEUM TIMETE: REGEM HONORATE: VIRTUTEM COLITE: DISCIPLINIS BONIS OPERAM DATE.

## I. De Conventibus Sacris.

**D**IVINA OFFICIA in singulis quotidie Collegiis celebrantur horis per Statuta Academiae designatis, atque ad formulam Communis Liturgiæ tam in Psalmis, Lectionibus, & Hymnis, quam in Precibus, aliisque Sacri cultus partibus præscriptam. Instituta, Ritus, & Cæremoniæ ab Ecclesia approbatæ studiose ab omnibus observantur. Sacerdos vel Minister quilibet Divina celebrans semper Superpelliceum induere tenetur, prout in Rubrica ejusdem Publicæ Liturgiæ, quæ ante Matutinas est proxima, succincente etiam xvi<sup>o</sup> Canone Constitutionum Ecclesiasticarum, statutum est. Per singulos autem Dies Dominicos & Festivos eorumque Vigiliis non solum Præfecti Collegiorum, sed Socii, & cæteri etiam Scholares, Commensales ac Studentes universi honesto cum apparatu & Superpelliceis tecti in Chorum veniant; quod in Statutis Academiae & xvi<sup>o</sup> Canone earundem Constitutionum præscribitur.

**C**ONCIONES Academicæ, quæ Dominicis Festisque Diebus, Generales item Supplicationes, quæ Statis Temporibus in ECCLESIA B. MARIE haberi solent, ab Omnibus frequententur. DOMUM DEI DECET SANCTITUDO: Videat ergo unusquisque, ut post ingressum humilem & modestum reverenter ibidem se gerat & religiosè, decorem atque ordinem per omnia conservans: Nec discedat quispiam à Sacro Conventu (quod non sine magna Disciplinæ jactura & supremi Numinis contumelia subinde à junioribus fieri solet) ante finalem Benedictionem omnibus impertitam.

**I**N EODEM TEMPLO, CHORUS Doctores tantum capiat, & eos quibus facultas ibidem assidendi concessa est; nec Quisquam alius eò se ingerat, nisi Generalium Supplicationum tempore Magistri Regentes ad decantandam Litaniam solenniter per Bedellum evocati. AREA in Nave ejusdem Ecclesiæ circumsepta solis Magistris & Sociorum Commensalibus pateat. RELIQUA Pars Navis, quæ extra Septum versus Occidentem est (præter utramque Ecclesiæ Choriquæ, ALAM, & SEDILIA inferiora, siqua vacaverint) Baccalaureis Artium, atque inferioribus omnibus Scholaribus cedat. SEDILIA ad utrumque latus Areæ nemo Scholaris introeat; Theologiæ tamen Baccalaureis & Magistris Artium, quibus in Area locus relictus non erit, superiora in utroque Alis Sedilia conceduntur. Porro in superiori Parte Chori, quæ Subsellis Doctorum & Septo ante Mensam Dominicam interjacet, Nulli sit astandi locus.

## II. De Congregationibus, aliisque publicis Academiae Conventibus.

**B**EDELLI Congregationes singulas in singulis Collegiis convocent, atque etiam in Collegiis illis ubi ab omnibus commodè audiri possint. SERMO Latinus tantum audiatur tam in publicis Conventibus Academiae quam in Aulis & Mensis Collegiorum.

**A**CONGREGATIONIBUS aut Convocationibus Magistri Regentes & Non-regentes sese nè absint: præsentem verò sine venia prius à Procancellario obtentâ nè discedant. Disciplinam, decorem, gravitatemque tanti Senatûs nè violent, sed videant ut quietè omnia & tranquillè agantur. Nullus vocem alterius sollicitè, aut transeat ab una parte Domûs ad alteram, ut quemvis præmoneat quid ab aliis dictum factumve sit, aut quid ab illo fieri velit, sed quem quisque locum primum in ordine suo occupaverit, in eodem quiescat, nisi ad Caput Senatûs, aut Scrutinium, & Similia solenniter transigenda per Bedellum evocetur. Procancellarium, Professore, Oratorem, aut alium quemvis Perorantem Magistri Non-Regentes introeunt usque ad Mensam Procuratorum (quæ semper erit in conspectu), Regentes verò in locis suis placidè adstantes audiant. Suffragia, quæ in scriptis exhiberi solent, solenni more & ordine, non tumultuario aut catervatim ascendent, ad Scrutinium repræsentent; reliqua, quæ voce dantur, sedatè & in aures Procuratoris aut Scrutatoris proferant. Clamores verò & rixæ, quæ nec dignitatem nec modestiam decent Academicam, omnino facessant.

## III. De Lectionibus, Disputationibus, & Exercitiis publicis.

**L**ECTORES omnes publici Statis diebus horisque prælegant. Auditores iisdem Lectionibus, quibus ex Statuto assignantur, diligenter interfint, easque à principio usque ad finem quietè & attentè audiant, sub pœna Statuti. Theologicam Lectionem audiant Artium Magistri & Theologiæ Baccalaurei, Hebraicam, Artium itidem Magistri; Philosophicam, Mathematicam, & Græcam, in Artibus Baccalaurei, Rhetoricam, Logicam, atque etiam Philosophicam, Scholares inferiores. Professores autem Juris & Medicinæ audiant qui sunt earundem Facultatum studiosi. Primarii Collegiorum Lectores nomina singulorum Sociorum & Discipulorum in suis Collegiis commorantium, & quas Lectiones quilibet audire & frequentare debeat, alteri Procuratorum aut Bedellorum exhibeant triduo ante initium cuiusque Terminii. Idem, aut Decani Collegiorum, Monitores singulis septimanis pro qualibet Auditorum classe in Scholis artium constituent. Monitores, finitâ statim Lectione, schedulam absentium, serò venientium, vel exeuntium (pro suo quisque Collegio) Bedello tradant sub pœna statuta; eandemque Bedelli septimanatim deferant ad Procancellarium in virtute juramenti.

**C**URSUS Disputationum in Theologia, Jure & Medicina à singulis tam Opponentibus quam Respondentibus secundum Statuta Academiae diligenter observantur. Auditores in unaquaque Facultate Scholas suas nè deserant (quod à quibusdam nimis contumeliosè & temere fit) priusquam Disputatio & (si quando occurrat) Determinatio finiatur. Scholares autem & Baccalaureos ultro citroque gradientes, discurrentes, aut ad libitum discedentes compefcant Procuratores Academiae.

**A**DDISPUTATIONES in Scholis, & Conciones ad Clerum Magistri exeant; Collegiis redeantque honesto comitatu stipati: Procedentes verò Scholares per Plateas, non turmatim aut incumulo, sed decenter & compositè, bini & bini in ordinem discedant.

**Q**UÆSTIONISTÆ in Scholis à Patre suo producti, ipsi etiam Patres, Prævaricatores, Tripodes, aliique omnes Disputantes, Declamantes, aut publicè Perorantes Statuta Academiae diligenter observent, verecundiam & modestiam in Exercitiis suis studiosè colant; à Salutationibus mimicis, Gestulationibus ridiculis atque immodestis, Anglicani & cuiusvis sermonis ineptiis, Joci quoque scurrilibus, Obscenitatibus, Irrisionibus, Ludibriis, & Sannis quibuscunque satyricis unde alicujus existimatio aut fama lædi possit, penitus in posterum abstineant; atque à Rerum sive Personarum cum Politicarum tum Sacrarum nominationibus, aut vellicationibus, cæterisque omnibus Religionis ac Literarum Dehonestamentis omnino se cohibeant, sub pœna Suspensionis, vel (si atrocitas facti postulerit) Expulsionis & Infamiæ publicæ sententiâ infligendæ. Neque enim Procancellarius, Aliique in potestate constituti, si tantam audaciam vincere non possint, saltem inultam aut impunitam finent.

**I**N TEMPLIS Scholæ nemo ausit Sedilia conscendere; nemo in publicis quibuscunque Exercitiis indecorum Strepitum, aut inanem, histrionicum & ventosum Applausum edere; nemo Impedibus pulser, aut pluteos cædat, (& nominatim, quando Inceptores in Artibus prodeunt ad interpretandum Aristotelem) neque cachinnando, sibilando, aut ignominiosè excreando (moribus merè rusticis, atque Academiae prorsus indignis) quisquam Loci disciplinam, vel Conventûs solennitatem violet.

## IV. De communi Vestitu & Habitu Scholastico.

**O**MNES Sacris Ordinibus initiati, cuiusunque gradus aut facultatis in Academia sint, vestiantur modestè, prout Clericos decet, & ea nominatim observent quæ Canonibus & Constitutionibus Ecclesiasticis (præsertim verò Canone lxxv<sup>o</sup>) præcepta eis sunt; ubi, præter summam in omni alio Vestitu gravitatem, Togæ cum collaribus erectis, & manicis, pro Beneficiatis contractioribus, aut laxioribus pro more Academico designantur. In aliorum quorundam (præsertim juniorum) vestitu Novitas Fastusque magnus & enormis est: Proinde cæteri omnes Scholares tam non Graduati quam Graduati iis induantur Vestibus quæ superbiâ & sumptu non luxurient, nec variis & lucidis coloribus splendeant, sed gravitatem & modestiam Scholasticam undequaque præ se ferant. Togis insuper nigris, nisi per privata alicujus Collegii Statuta & Præcepta aliter provideatur, cum laxis potius manicis, & brachia tegentibus, quam contractis induantur (ii præsertim qui de Collegii cuiusque Fundatione sint) ita ut antiquum & magis laudabile Academiae Institutum, Decorum atque Ordo, & (quantum fieri possit) unus idemque Modus, pariter per omnia uniformis, ab omnibus conserventur. Ocreati simul & Togati, sive Cothurnis, candidisque Tibialibus, vel patulis & crispatis Calceorum Ornamentis induti nè incedant. Diploidas nullâ parte fenestras aut apertas gerant. Cincinnos in capite de industria nè faciant. Collaria autem lineæ sive laciniata, sive in humeros immodicè expansa, defluamque & nimis promissam Cæsariem ad modestiam & decorum compefcant.

**P**ILEIS Scholasticis utantur Omnes tam in Collegio quam extra Collegium; exceptis Nobilium filii & Militum primogenitis, qui ad eos induendos non (nisi volentes) astringuntur. Graduati omnes etiam Epitogia sua, sive Epomidas de panno nigro (nec intus pellibus aut albo serico duplicatas, sive ad oram fimbriatas) in humeris gestabunt.

**I**NSUPER in publicis Magistrorum Disputationibus, Concionibus ad Clerum, Supplicationibus, Exequiis, & Congregationibus universis Regentes omnes Habitu atque Caputio è Minuto-vario obverso (excepto Oratore, qui Sericum per Statuta induit) ornati incedant: id quod nuper maxima ex parte & laudabili Exemplo observatum est.

**Q**UI ad gradum Baccalaureatus in Artibus admittendi sunt, videant, ut non tantum Pileos Scholasticos, sed Togas etiam decentes, nigras, & laxè manicatas unâ cum Capitiis eidem Gradui competentibus de proprio sibi comparent; & sic induti in Senatum Magistrorum sedatè & ordinatim ad Procancellarium introducantur.

## V. De Moribus Scholarium ad modestiam formandis.

**M**ODESTIAM Omnes omnibus in locis colant. Inferiores Ordines Superioribus loco cedant, & debitam Reverentiam ubique exhibeant.

**S**CHOLARES & Graduati (cuiusunque conditionis sint) ab Aedibus & Officiis Oppidanorum de Die & præsertim de Nocte sese abstineant. Nemo in Tabernas vinarias, Causonas, aut Diversoria (nisi ex causâ per Procancellarium approbandâ) introeat, aut ibidem moram trahat. Nemo in Plateis otiosus pervagetur, aut in Officiis Aedibusve Parti-ventulorum Fumum hauriat. Nulli Forum frequentent, nisi sint privati Collegiorum, aut publici Academiae Officarii; neve in solennes Conventus quos Assisas vocant & Sessiones, aut ad vicinas Nundinas, absque venia prius à Procancellario, aut Præfecto Collegii in quo commorantur, petirà & obtentâ, sese intromittant.

**A**LEÆ nullo tempore, Chartæ pictæ nullibi nisi in Aulis Collegiorum, idque Tempore Natalitio tantum, moderatè & Horis idoneis usurpentur. Nemo in eadem Festivitate cum Lychnis aut Larvis, sive cum Tubis aut Tympanis exeat è Collegio suo. Portæ autem Collegiorum Horis statutis claudantur.

**Q**UINETIAM abstineant Omnes ab omni genere Lusus vel Exercitii ex quo aliis periculum, injuria, vel incommodum creari possit; veluti à Venatione Ferarum cum Canibus aut Plagis, ab usu Balistarum, Bombardarum, aut Retium ad captanda Volatilia, à Ludo Pilæ pedalis, atque à Rudibus seu Baculis, quibus inter se vel cum Oppidanis, lanistarum more, bantur; neque otiosi horum Ludorum spectatores adfint. Galli-præliis, Urforum vel Taurorum pugnis, Gladiatorum certaminibus, Funambulorum spectaculis, Histrionum fabulis (siqui irreperint & questus causâ infra Præcinctum Universitatis in Scenam prodierint) cæterisque Ludicris Oblectamentis, quibus bonæ horæ malè collocatæ sunt, nulli interfint Scholares aut Graduati, sub pœna violati Juris & Disciplinæ Academicæ proculcatæ.

**I**NCEPTORES, Baccalaurei, Quæstionistæ, Sophistæ, Moderatores præcipuè & Disputantes sive Declamantes, ab omnibus Invitationibus, Comestationibus, Computationibus, inanibusque pecuniæ Collationibus, tam publicis quam privatis, omnino abstineant, sub pœna Infamiæ & Suspensionis ab omni Gradu suscepto & suscipiendo.

QUI DILIGIT DISCIPLINAM, DILIGIT SCIENTIAM.

CANTABRIGIÆ

Excudit R. D. Academiae Typographus.

NOVEMB. XXVIII. MDCXXXII.

Jo. COSIN, Procan.